

醉翁琴趣外篇

醉翁琴趣外篇目錄

文忠公歐陽修

○卷之一

一叢花

越溪春

千秋歲

千秋歲

千秋歲

醉蓬萊

于飛樂

鼓笛慢

看花回

御戴花

蝶戀花

蝶戀花

蝶戀花

蝶戀花

蝶戀花

詠枕兒

蝶戀花

蝶戀花

蝶戀花

蝶戀花

蝶戀花

蝶戀花

蝶戀花

蝶戀花

蝶戀花

蝶戀花

蝶戀花

蝶戀花

蝶戀花

鳳棲梧

鳳棲梧

鳳棲梧

鳳棲梧

鳳棲梧

武陵春

虞美人

定風波

定風波

○卷之二

梁州令

梁州令

東堂

賀明朝

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

漁家傲

七夕

七夕

漁家傲重陽

漁家傲

漁家傲

漁家傲

漁家傲

漁家傲

漁家傲

漁家傲

一斛珠

一斛珠

惜芳時

應天長

應天長

○卷之三

鷦山溪

洞仙歌

洞仙歌

鵲踏枝

鵲踏枝

鵲踏枝

品令

浪淘沙

浪淘沙

浪淘沙

浪淘沙

鷺歸梁

鷺歸梁

醉偎香

聖無憂

聖無憂

採桑子

採桑子

錦香囊

繫裙腰

阮郎歸

阮郎歸

阮郎歸

阮郎歸

阮郎歸

怨春郎

清平樂

滴滴金

卜筮子

感庭秋

○卷之四

滿路花

轉調木蘭花

轉調木蘭花

轉調木蘭花

轉調木蘭花

轉調木蘭花

轉調木蘭花

轉調木蘭花

轉調木蘭花

好女兒令

南鄉子

南鄉子

踏莎行

踏莎行

踏莎行

踏莎行

鵲橋仙

訴衷情

眉意

訴衷情

訴衷情

憶漢月

雨中花

恨春遲

思佳客

鹽角兒

鹽角兒

洛陽春

憶秦娥

少年遊

少年遊

少年遊

鳳栖梧

減字木蘭花

減字木蘭花

減字木蘭花

○卷之五

踏莎行慢

虞美人引

木欄花令

木欄花令

木欄花令

蕙香囊

玉樓春

玉樓春

玉樓春 荅周太傅

玉樓春 柳詞

玉樓春

玉樓春

玉樓春

玉樓春 詠蝶

玉樓春

玉樓春

玉樓春

玉樓春 即席賦琵琶

玉樓春

玉樓春

玉樓春

印眉

玉樓春

玉樓春

玉樓春

南鄉子

南鄉子

南鄉子

醉桃源

醉桃源

醉桃源

○卷之六

定風波

定風波

定風波

定風波

定風波

浣溪沙

浣溪沙

浣溪沙

浣溪沙

浣溪沙

浣溪沙

浣溪沙

減字木蘭花

減字木蘭花

減字木蘭花

減字木蘭花

聖無憂

迎春樂

臨江仙

臨江仙

江神子

南歌子

一落索

夜行船

夜行船

夜行船

夜行船

夜行船

摸魚兒

望江南

望江南

望江南

宴瑤池

解仙佩

長相思

長相思

長相思

長相思

瑞鷓鴣

醉目

十一

醉翁琴趣外篇目錄

醉翁琴趣外篇卷之一

文忠公歐陽脩永叔

一叢花

傷春懷遠幾時窮無物似情濃離愁正恁牽絲
亂更南陌飛絮濛濛歸騎漸遙行塵不斷何處
認郎蹤

雙鴛池沼水溶溶南北小橋通梯橫畫閣黃昏
後又還是新月簾櫳尋思細恨不如桃李還解
嫁春風

越溪春

三月十三寒食日春色遍天涯越溪閨苑斂繁華
地傍禁垣珠翠煙霞紅粉墻頭鞦韆影裏臨水
人家

歸來晚駐香車銀箭透窻紗有時三點兩點雨
霽朱門柳細風斜沉麝不燒金鴨冷隴月照梨
花

千秋歲

羅衫滿袖只是憶伊淚殘粧粉餘香被手把金
樽酒未飲先如醉但向道猷猷成病皆因你
離思迢迢遠一似長江水去不斷來無際紅牋

着意寫不尽相思意爲个甚相思只在心兒裏

又

數聲鶉鴂又報芳菲歇惜春更把殘紅折雨輕
風色暴梅子青時節永晝柳無人盡日花飛雪
莫把絲弦撥怨極弦能說天不老情難絕心似
雙絲網終有千千結夜過也東窗未白殘灯滅

又

畫堂人靜翡翠簾前月彎鳳枕虛鋪設風流難
管東一去音書歇到而今高梧冷落西風切
未語先垂淚滴尺相思血魂欲斷情難絕都來

些子事更與何人說爲个甚心頭見底多離別

醉蓬萊

見羞容歛翠嫩臉勻紅素腰裊娜紅藥欄邊惱
不教伊過半掩嬌羞語声低顫問道有人知麼
強整羅裙偷回波眼佯行佯坐

更問假如事還成後乱了雲髮被娘猜破我且
歸家你而今休呵更爲娘行有些針線諳未曾
收羅却待更闌庭花影下重來則个

于飛樂

寶奩開美鑑靜一掬清蟾新粧臉旋李花添蜀

紅衫雙綉蝶裙縷鵝鵝尋思前事小屏風仍畫
江南

恁空教草解宜男柔桑密又過春蚕正陰晴天
氣更暝色相兼佳期消息曲房西碎月篩簾

鼓笛慢

縷金裙窄輕紗透紅瑩玉真堪愛多情更把眼
兒斜盼眉兒斂黛舞態歌闌困倦香臉酒紅微
帶便直饒更有丹青妙手應難寫天然態

長恐有時不見每饒伊百般嬌駭眼穿腸斷如
今千種思量無奈花謝春歸夢回雲散欲尋難

再暗消魂但覺鴛鴦衾鳳枕有餘香在

看花回

曉色初透東窗醉魂方覺恁恁繡衾半擁動萬
感脉脉春思無託追想少年何處青樓貪歡樂
當媚景恨月愁花筭伊全妄鳳幃約

空泪滴真珠暗落又被誰連宵留著不曉高天
甚意既付與風流却恁情薄細把身心自解只
與狂拚却又及至見來了怎生教人惡

御戴花

青春何處風光好帝里偏愛元夕萬重綵構

一幘峯頂半空金碧寶檠銀缸耀絳幕龍虎騰
擲沙堤遠彫輪綉轂爭走五王宅
雍容熙熙作晝會樂府神姬海洞仙客拽香搖
翠稱執手行歌錦街天陌月淡寒輕漸向曉漏
聲寂寂當年少狂心未已不醉怎歸得

蝶戀花

膈雪初銷梅蕊綻梅雪相和喜鵲穿花轉睡起
夕陽迷醉眼新愁長向東風亂
瘦靨玉肌羅帶緩紅杏梢頭二月春猶淺望極
不來芳信斷音書縱有爭如見

又

海燕雙來歸畫棟
簾影无風花影頻
移動半醉騰騰春
睡重綠鬟堆枕香
雲擁

翠被雙盤金縷鳳
憶得前春有个人
人共花裏黃鶯時
一弄日斜驚起相
思夢

又

幾度闌房聽禁漏
臂上殘粧印得香
盈袖酒力融融香
汗透春嬌入眼橫
波溜不見此時眉
已皺水闊山遙乍
向分飛後大抵有
情須感舊肌膚拚
爲伊銷瘦

又

簾幕風輕雙語燕
午後醒來柳絮飛
撩亂心事
一春猶未見紅英
落盡青苔院
百尺朱樓閑倚遍
薄雨濃雲抵死遮
人面羌管
不須吹別怨
無腸更爲新聲斷

又

詞托兒

寶琢珊瑚山樣瘦
緩髻輕攏一朶雲
生袖昨夜
佳人初命偶
論情旋二移相就
幾疊鴛衾紅浪皺
暗覓金釵磔磔聲
相扣一自
楚臺人夢後
淒涼暮雨沾烟綉

又

遙夜亭臯閑信步
下過清明漸
竟傷春暮
數點雨
声風約住
朦朧淡月雲來去

桃杏依稀香暗度
誰上鞦韆笑裏輕
二語一寸相思
千萬緒
人間没个安排处

又

庭院深
二有幾許楊柳堆煙
簾幕无重數
玉勒彫鞍遊冶处
樓高不見章臺路

雨橫風狂三月暮
門掩黄昏无計留春住
泪眼問花花不語
乱紅飛過鞦韆去

又

六曲欄干偎碧樹楊柳風輕展
展黃金縷誰抱秦箏移玉柱
穿簾海燕雙飛去

滿眼遊絲蕪落絮紅杏開時
一霎清明雨濃醉
竟來鶯亂語驚殘好夢無尋處

又

越女採蓮秋水畔
窄袖輕羅暗露雙
金釧照影摘花花似面
芳心只共絲爭亂

鷓鴣灘頭風浪晚
霧重煙輕不見來時伴
隱隱歌聲歸棹遠
離愁引着江南岸

又

水浸秋天風皺浪縹緲仙舟只似秋江上和露
採蓮愁一餉看花却是啼粧樣
折得蓮莖絲未放蓮斷絲牽特地成惆悵歸棹
莫隨花蕩漾江頭有個人相望

又

一掬天和金粉膩蓮子心中自有深深意密
蓮深秋正媚將花寄恨無人會
橋上少年橋下水小掉歸時不語牽紅袂浪戲
荷心圓又碎無端欲伴相思淚

又

欲過清明煙雨細小檻臨窻點點殘花隊梁燕
語多驚曉睡銀屏一半堆香被

新歲風光如舊歲所恨征輪漸漸程迢遞縱有
遠情難寫寄何妨解有相思淚

又

簾下清歌簾外宴雖愛新聲不見如花面牙板
數敲珠一串梁塵暗落琉璃盞

桐樹花深孤鳳怨漸遏遙天不放行雲散坐上
少年聽未慣玉山將倒腸先斷

又

百種相思千種恨，早是傷春，那更春醪困。薄倖
辜人終不憤，何時枕畔分明問。
懊惱風流心一寸，強醉偷眠也。即依前悶，此意
爲君君不信，淚珠滴尺愁難盡。

又

面旋落花風蕩漾，柳重煙深，雪絮飛來往。雨後
輕寒猶未放，春愁酒病成惆悵。
枕畔屏山圍碧浪，翠被華燈，夜夜空相向。寂寞
起來，寒綉幌，月明正在梨花上。

又

永日環隄乘綵舫煙草蕭疎恰似晴江上水浸
碧天風皺浪花荇蔓隨雙槳

紅粉佳人翻麗唱驚起鴛鴦兩兩飛相向且把
金樽傾美釀休思往事成惆悵

又

簾幕東風寒料峭雪裏香梅先報春來早紅蠟
枝頭雙燕小金刀剪彩呈纖巧

旋暖金爐薰蕙藻酒入橫波困不禁煩惱綉被
五更春睡好羅幃不覺紗窗曉

鳳棲梧

梨葉初紅蟬韻歇銀漢風高玉管聲淒切枕簟
乍涼銅漏徹誰教社燕輕離別

草際虫吟秋露結宿酒醒來不記歸時節多少
衷腸猶未說珠簾一夜朦朧月

又

南岸依稀回側陣雪霽墻陰遍覺蘭芽嫩中夜
夢餘消酒困鑪香卷穗燈生暈

急景流年都一瞬往事前惟未免成方寸臘後
花期知漸近東風已作寒梅信

又

小院深深門掩亞寂寞珠簾盡捲重重下欲近
禁煙微雨罷綠楊深處鞦韆掛

傅粉狂遊猶未捨不念芳時眉黛無人畫薄倖
未歸春去也杏花零落香紅謝

又

獨倚危樓風細細望極離愁黯黯生天際草色
山光殘照裏無人會得凭欄意

也擬踈狂圖一醉對酒當歌強飲還無味衣帶
漸寬都不悔況伊銷得人憔悴

又

畫閣歸來春又晚燕子雙飛柳軟桃花淺細雨
滿天風滿院愁眉斂盡無人見

獨倚欄干心緒亂芳草芊綿尚憶江南岸風月
無情人暗換舊遊如夢空腸斷

武陵春

寶幄華灯相見夜粧臉小桃紅斗帳香檀翡翠
籠雙手恨忽忽

金泥雙結同心帶留與記情濃却望行雲十二
峯腸斷月斜鍾

虞美人

爐香晝永龍煙白
風動金鸞額
畫屏寒掩小山
川睡容初起枕痕圓
墜花鈿

樓高不及煙宵半
望尺相思眼
艷陽剛愛挫愁
人故生芳草碧連雲
怨王孫

定風波

過盡韶華不可添
小樓紅日下層簷
春睡竟來
情緒惡寂寞楊花
繚亂拂朱簾

早是閑愁依舊在
無奈那堪更被宿醒
兼把酒
送春惆悵甚長恁
年年三月病厭厭

又

對酒追懽莫負春春光歸去肯饒人昨日紅芳
今綠樹已暮殘花飛絮兩紛紛

粉面麗姝歌窈窕清妙罇前信任醉醺醺不是
狂心貪燕樂自覓年來白髮滿頭新

醉翁琴趣外篇卷之一

醉翁琴趣外篇卷之二

梁州令

紅杏墻頭樹紫萼香心初吐新年花發舊時枝
徘徊千繞獨共東風語陽臺一夢如雲雨爲問
今何處離情別恨多少條條結向垂楊縷

此事難分付初心本誰先許竊香解佩兩沉沉
知他而今記得當初否誰教薄倖輕相誤不信
道相思苦如今却恁空追悔元來也會憶人去

又東堂石榴

翠樹芳條颭的的羣鶯初染佳人携手弄芳菲

綠陰紅影共展雙紋簾
插花照影窺鸞鑑
只恐
芳容減不堪零落
春晚青苔雨後深紅點

一去門閑掩重來却尋朱檻
離離秋實弄輕霜
嬌紅脉脉似見燕脂臉
人非事往眉空斂
誰把
佳期賺芳心只願長
依舊春風更放明年艷

賀明朝

憶昔花間初識面
紅袖半遮粧臉
輕轉石榴裙帶
故將纖纖玉指偷撚
雙鳳金線

碧梧桐鎖深深院
誰料得兩情何日教繾綣
羨
春來雙燕飛到玉樓朝暮相見

漁家傲

一派潺湲流碧漲新亭四面山相向翠竹嶺頭
明月上迷俯仰月明正在泉中漾
更待高秋天氣爽菊花香裏開新釀酒美賓嘉
真勝賞紅粉唱山深分外歌聲響

又

暖日遲遲花裊裊人將紅粉爭花好花不能言
惟解笑金盞倒開花未老人年少
車馬九門來擾擾行人莫羨長安道丹林禁漏聲
衢鼓報催昏曉長安城裏人先老

又

十月小春梅蕊綻紅爐畫閣新粧遍錦帳美人
貪睡暖羞起晚玉壺一夜新冰滿
樓上四垂簾不卷天寒山色偏宜遠風急鴈行
吹字斷紅日短江天雪意雲撩亂

又

四紀才名天下重三朝構厦爲梁棟定冊功成
身退勇辭榮寵歸來白首笙歌擁

願我薄才無可用君恩近許歸田壠今日一觴
難得共聊對捧官奴爲我高歌送

又

爲愛蓮房都一柄雙苞雙蕊雙紅影雨勢斷來
風色定秋水靜仙郎彩女臨鸞鏡
妾有容華君不省花無恩愛猶相並花却有情
人薄倖心耿耿因花又染相思病

又

昨日採花花欲盡隔花聞道潮來近風獵紫荷
聲又緊低難奔蓮蕊刺惹香腮損

一縷艷痕紅隱隱新霞點破秋蟾暈羅袖挹殘
心不穩羞人問歸來剩把胭脂襯

又

一夜越溪秋水滿荷花開過溪南岸貪採嫩香
星眼慢踈回眄郎船不覓來身畔
罷採金英收玉腕回身急打船頭轉荷葉又濃
波又淺無方便教人只得擡嬌面

又

荷葉田田青照水孤舟挽在花陰底昨夜蕭蕭
踈雨墜愁不寐朝來又覓西風起
雨擺風搖金縷碎合歡枝上香房翠蓮子與人
長厮類無好意年年苦在中心裏

又

花底忽聞敲兩槳
逡巡女伴來尋訪
酒盞旋傾
荷葉當蓮舟蕩時
時盞裏生紅浪

花氣酒香清
廝讓花腮酒面紅
相向醉倚綠陰
眠一餉驚起望
船頭閣在沙灘上

又

妾本錢塘蘇小妹
芙蓉花共門相對
昨日爲逢
青傘蓋慵不採
今朝陡覓凋凌
瞭

愁倚畫樓無計
柰亂紅飄過秋塘
外料得明年
秋色在香可愛
其如鏡裏花難在

又

葉有清風花有露
葉籠花罩鴛鴦侶
白錦頂絲紅錦羽
蓮女妬驚飛不許
長相聚
白脚沉紅天色暮
青涼傘上微微雨
早是水寒無宿處
湏回步枉教雨裏分飛去

又

近日門前溪水漲
郎船幾度偷相訪
船小難開紅斗帳
無計向合歡影裏空惆悵
願妾身爲紅菡萏
年年生在秋江上
更願郎爲花底浪
無隔障隨風逐雨長來往

又

妾解清歌并巧笑郎多才俊兼年少何事拋兒
行遠道無音耗江頭又綠王孫草
昔日採花呈窈窕玉容長笑花枝老今日採花
添懊惱傷懷抱玉容不及花枝好

又

葉重如將青玉亞花輕疑是紅綃掛顏色清新
香脫洒堪長價牡丹怎得稱王者
雨筆露牋勻彩畫日爐風炭薰蘭麝天與多情
絲一把誰斲惹千條萬縷縈心下

又
七夕

喜鵲填河仙浪淺雲屏早在星橋伴街鼓黃昏
霞尾暗炎光歛金鈎側卧天西面

一別經年今始見新歡往恨知何限天上佳期
貪眷戀良宵短人間不合催銀箭

又
七夕

乞巧樓頭雲幔卷浮花催洗嚴粧面花上蛛絲
尋得遍頻笑淺雙眸望月牽紅線

奕奕天河光不斷有人正在長生殿暗付金釵
清夜半千秋願年年此會長相見

又七夕

別恨長長歡計短
踈鍾促漏真堪怨
此會此情都未半
星初轉鸞琴鳳樂
恣恣卷河鼓無言
西北眇香娥有恨
東南遠脉脉橫波
珠泪滿歸心亂離
腸便逐星橋斷

又重陽

九日歡遊何處好
黃花萬蕊彫欄遶
通躰清香無俗調
天氣巧煙滋露路
結功多少

日脚清寒高下照
寶釘密綴圓斜小
落葉西園風嫋嫋
催秋老叢邊莫厭
金樽倒

又

青女霜前催得綻金鈿亂散枝頭徧落帽臺高
開雅宴芳樽滿按花吹在流霞面

桃李三春誰可羨鶯來蝶去芳心亂爭似仙潭
秋水岸香不斷年年自作茱萸伴

又

露晝嬌黃風擺翠人間晚秀非無意仙格淡粧
天與麗誰可比女真裝束真相似

筵上佳人牽翠袂纖纖玉手按新藥美酒一盃
花影膩邀客醉紅瓊共作熏熏媚

又

對酒當歌勞客勸惜花只惜年華晚寒艷冷香
秋不管情眷眷憑欄尽日愁无限

思抱芳期隨塞鴈悔無深意傳雙燕悵望一枝
難寄遠人不見樓頭望斷相思眼

又

粉蕊丹青描不得金針線線功難敵誰傍暗香
輕採摘風淅淅船頭觸散雙鷓鴣

夜雨染成天水碧朝陽借出胭脂色欲落又開
人共惜秋氣逼盤中已見新蓮的

又

幽鷺謾來窺品格
雙魚豈解傳消息
綠柄嫩香
頻採摘心似織
條條不斷誰牽役
珠泪暗和清露滴
羅衣染尽秋江色
對面不言情脉脉
煙水隔無人說似
長相憶

又

楚國細腰元自瘦
文君膩臉誰描就
日夜鼓聲催箭漏
昏復晝紅顏豈得長如舊
醉拆嫩房紅藥
嗅天絲不斷清香透
却傍小欄凝望久
風滿袖西池月上人歸後

又

紅粉墻頭花幾樹落花片和鶯絮墻外有樓
花有主尋花去隔墻遙見秋千侶
綠索紅旗雙綵柱行人只得偷回顧腸斷樓南
金鎖戶天欲暮流鶯飛到秋千處

一斛珠

曉粧初過濃檀輕注些兒个見人微露丁香顆
一曲清歌漸引櫻桃破

羅袖裒殘殷色可盃深旋被香醪污綉床斜凭
情无那乱嚼紅茸笑向檀郎唾

又

今朝祖宴可憐明夜孤燈館酒醒明月空床滿
翠被重重不似香肌暖

愁腸恰似沉香篆千回萬轉縈還斷夢中若得
相尋見却願春宵一夜如年遠

惜芳時

困倚蘭臺翠雲嬾睡未足双眉尚鎖潛身走向
伊行坐孜孜地告佗梳裹

發粧酒冷重溫過道要飲除非伴也丁香嚼碎
偎人睡猶記恨夜來些个

應天長

一灣初月臨鸞鏡
雲鬢鳳釵慵不整
珠簾淨重
樓迥惆悵落花風不定

綠煙低柳徑
何處鞦韆金井
昨夜更闌酒醒春
愁勝却病

又

石城山下桃花綻
宿雨初晴雲未散
南去棹北
飛鴈水闊山遙腸欲斷

倚樓情緒懶
惆悵春心無限
燕度蒹葭風晚欲
歸愁滿面

醉翁琴趣外篇卷之二